

نسخه سی و غروشد

صاحبی، مدیری، محرری:



اسلامك نفعنه خادم مقالات
مع التشكر قبول ونشر اولونور
يازانك شخصيتي دكل، يازينك اهميتي
نظر دقتنه لالينور .
كان يازيلردن شايان قبول كوردولنلر
تاريخ ميراسيله درج ايديلر .

مخمس

۱۳۳۸

علمی، ادبی، اجتماعی و شیمی بیلک
شهری مجموعه در

۱۳۴۱ جادی الاولاسنه مخصوص نسخه

عدد: ۳۱

اداره خانه سی: آفسرایده
ملا کورانی محله سنده مهتر
سوقاغنده ۳ نومرولوخا،

مرکز توزیعی:
باب عالی جاده سنده (اتحاد
تجارت) کتبخانه سی

آبونه بدلی:
سنه لکی ۶۰ غروش
آلتی آلتی ۳۰

جلد: ۳

منبر هبات:

شرف منول، تاریخ جاوس: طاهر المولوی .

مخمس تاریخی — کیجه نمازی، طاهر المولوی — ایلك مسلمان والشمعترم قادین: فخر النساء کمال.

مخمس فنی — علم هیئت واندانلر: محمد عزت .

مخمس اجتماعی — احمدیه حرکاتی: مسعود.

ایک مسلمان و اک محترم قادیان

تاریخ بشریتده ، حیات دینیه واجتماعیه نقطه نظرندن بو یوک بر انقلاب ابداع ایدن نی دیشان مکه مکرمه ده دنیای شریف بو یوردیلر تولدولردن ایکی آی مقدم بدرلری ، آلتی سنه صوکرده والدهلری وفات ایتدیکی ایچین ذات نبوتناهی یی بو یوک بدرلری عبدالمطاب حمایت و کفالتنه آلدی . فقط کندیلارینه آچیلان بو آغوش شفقت ده ایکی سنه صوکره ابدیاً قاپانقله فخر کائنات اقدمنری عمجهلری ابوطالب حمایه سنه آلدی . حیاتک دائمی صدمه لرلی آتده یتشه ن حضرت محمد ، دده سنک وفاتندن صوکره بو تون شفقتله مربوط اولان قاب عمجه سنک کی ایدی . رسول اکرم ، مشارالمک جناح صوابنده حقیقی بر اولاد کی بو یوردی . ثروتی آز ، عائله سی کثیر اولان ابوطالب ، اهل و عیالی کچدیرمکده مشکلات چکدیکی ایچین اوزمانک عادتق موجبجه سائر رجال قریش کی تجارتله اشتغال ایدیوردی که اسفار تجاریه سندن برنده علیه الصلاة والسلام اقدیم ده برابر بولونمشدی . خالق ایله اولان معاملانده ابراز ایتدکلی صدق و صفوته بناء «الامین» دینه توصیف ایدیلن ذات نبوتناهیک بو سقته اشهراری طولایسیله ایدی که ارباب تجارت بیتده بو یوک بر نفوذی اولان (حضرت خدیجه بنت خویلد) ده رسول اکرمه سرمایه ویره رک کوله سی میسره ایله برابر تجارت ایچین شام طرفه کوندرمشدی .

نبی اکرم متاعنی (بصری) ده صامش و حصوله کلن کارک نصفی خدیجه یه کوندرمشلردی . ایشته حضرت خدیجه نک سرمایه سیله یاسیلان بو ایکنجی شام سیاحتی اشناسنده ایدی که (بصری) ده کی راهب (نسطورا) نک حضرت پیغمبر حقنده کی حرمت و بشارتی ، حضرت خدیجه نک کوله سی اولان

صوکره قاقوب نماز قیلماق علیه الصلاة اقدیمزه فرض قیلنمشدی .

(تفسیر خازن) صاحبی «آیتده قیام لیلدن مراد ، نمازدر . کیجه نمازی ، حضرت پیغمبره وامتیه (یا ایها المزمع لم الیل الا قلیلاً) قول کریمیه مفروض ایکن تخفیفی حقنده آیت نازل اولمش وامت حقنده کی وجوبی صلوات خمس ایله نسخ ایدیلرک امت ایچین مستحب و پیغمبر ایچین فرض اولارق باقی قالمشدر .» دیدکن صوکره نبی اکرم کیجه ، نمازینی نه وقت وقاچ رکعت ادا ایله دیکنه دأربعض احادیث نقل ایدیور . اولردن آکلاشیلدیغه کوره علیه الصلاة اقدیمز ، یاتسی نمازندن صوکره استراحت بو یوردور و کیجه قاقوب صوکی وتر اولماق اوزره اون بر ، یاخود اون اوچ رکعت قیلارور کعتین پاتنده سلام ویربردی . ختام صلاتده تکرار فراشه کیرر و صبح اذانق اوقونورکن قاقاردی .

بعضی کیجه لرده کی طول قیامندن مبارک آیقلری شیشمش و (اتکلف هذا وقد غمرا له لك ما تقدم من ذنبك وما تأخر) یعنی «جناب حق ، سنک اسک ویکی کناهلرکی مغفرت ایله دیکی حالده نه دن بو قدر تکلف ایدیورساک ؟» دینلره (افلا اکون عبداً شکوراً) یعنی «بن ، متشکر بر قول اولمایم یی ؟» بو یورده شدی . قصیده بره ناظمک :

«آیقلری شیشدن شکایت ایدیجه یه قدر کیجه قارا کملرینی احیا ایدن ، یعنی ظلمت لیلال آراسنده عبادت ایله یین ذات شریف نبوینک سنته اتباع ایدمه مک صورتیه ظلم ایتدم» مألده کی :

ظلمت سنة من احيا الظلام الى
ان اشتكت قدماء الضمر من ورم

بقی بوکا اشارتدر .

طاهر المولوی

(میسرہ) طرفدن خانمہ آکلاتیلش و حضرت خدیجہؓ نبی آخر زمانک زوجہ سی اولمق آرزوسی حصولہ کلمشدی . بونک اوزرینہ (نفیسہ بنت منیہ) نیک دلائلہ ہر ایک طرف آراستہ موافقت حصولہ کلدکن صوکرہ و یاشندہ بولونان حضرت خدیجہ ایلہ ہنوز ۲۵ یاشرنندہ برکنج اولان جناب پیغمبرک دوکونی یاپیلدی . حقیقہ ساکن ، ولولہ سز بردوکون فقط تاریخک ضبط ایتدیکی ازدواجلر آراستہ اُک مسعود بر امتزاج ... اویلہ کہ : قوم و قبیلہ سی آراستہ تعدد زوجات عادت اولدینی حالہ نبی اکرم او امتزاجک اثر شکرانی اولمق اوزرہ حضرت خدیجہ نیک وفاتہ قادار هیچ برقادینلہ ازدواج ایتہرک سکون ایچندہ یاشامشردر .

رسول اکرمک حیانتہ بویوک بر انقلاب انتاج ایدن بو ازدواج ؛ بالخاصہ بوتون قدرتی ، نبی اکرمک بالذات نشردینہ باشلادینی زمانلرہ اوغرا دینی هجوملرہ قارشی ، حضرت خدیجہ نیک بوتون اضطرابلری دیکلندیرہ بیلہ جک قادار مشفق و فداکار روحنی بولدقن صوکرہ کوسترمکہ باشلامشدر ...

**

حیانتک قرقچی سنہ سنہ کیرن جناب پیغمبر ، خلقدن خالقہ توجہ کوسترمہ یہ و اختلاطدن ازوایہ رغبت صورتیلہ وقت کچیرمکہ باشلامشردی . ینہ بو سنہ نیک رمضانندہ ایدی .. مکہ مکرمہ یہ اوچ میل مسافہدہ کائن (حرا) داغندہ بالکنز ودرین راستغراق ایچندہ تفکراتہ دالمشردی کہ : (اقرأ) سورہ سنک اواندہ کی آیتلرک نزولیلہ وحی الہی نیک ایلک دفعہ اولمق اوزرہ مخاطبی اولدیلر . جناب پیغمبر ، وحی الہی نیک مہابتیلہ تیرہ ریک مکہ یہ کلدیلر و حضرت خدیجہ یہ (بنی اورتیکز) دیدیلر ... بر مدت صوکرہ کندیلرینہ کلدکلری زمان او محترم ویکانہ قادین او قادار قدرتلی ، اویلہ نہایتسز

بر شفقتلہ تسلی ویرمشدی کہ : رسول اکرم سکون بولمشاردی ... تمام ۳ سنہ صوکرہ (یا ایہا المدثر قم فانذر) آیتلرینک نزولیلہ آچیقدن آچیقہ نشردینہ مأمور اولدکلری زمان ینہ نہایتسز بر اضطراب درون دویمشعلری : چونکہ : اوکونہ قادار ہر کس دہ تأسس ایتیش اولان عقیدہ لری بوزاجق ، یقاجق ، و عربلرک برستش ایتدکلری دینک بوش و فنا اولدینی خلقہ تلقین ایدہ جک و قبول ایتدیرہ جک ایدی . حالو کہ ؛ انسانلر دہ ابدی برکین وانتقام یاراتان یکانہ شی دینہ تعرضدر ... رسول اکرم ؛ بوتون بو حقیقتی کورییور ، و اولرہ بو مشکلات ایچندہ نہ دولو فادہ مرام ایدہ بیلہ جکنی ، مقصد مقدسنی ناصل قبول ایتدیرہ بیلہ جکنی اوزکون و متأثر بر حالہ دوشونورکن ؛ ینہ قارشیندہ حیانتک یکانہ استناد کاهی اولان خدیجہ یی بولویور و کندیلرینہ بو اوزون تفکرلرینک اسبابی دوران رفیقہ محترمہ سنہ وظیفہ رسالتک کوجلکینی ، بونی نہ صورتلہ تلقین ایدہ بیلہ جکنی ، کندیسنہ کیم انقیاد ایدہ جکنی دوشوندکلرینی سویلہ یورلردی . حضرت خدیجہ ؛ ابدی وارلقیلہ ؛ - سزہ ایلک اوکجہ انقیاد ایدہ جک بنم - جوانی ویردی و حضور پیغمبری دہ ایلک مسلمان قادین اولدی ...

ما بعدی وار فخر النساء کمال

محفل فی

علم ہیئت و انسانلر

[۳۰ نجی نسخہ دن ما بعد]

علم ہیئت بر لسان علمی ایلہ تعریف اولندقدہ : « تام معناسیلہ علم کائناتدر . اجرام سماویہ نیک مہایات و ترکیباتی ، سیر و حرکتلرندہ تابع بولندکلری قوانینی بیلدیرن علمدردینور . بومعنادہ قوزموغرافیا کلہ سیلہ مرادفدر (*)

(*) کائنات (Univers) اشیای موجودہ ،